

四庫全書

史部

欽定四庫全書

史部  
皇朝通志卷一至四

編修 臣 錢樾 覆 勘

總校官編修 臣 倉聖脉

欽定四庫全書

皇朝通志總目

氏族畧 凡十卷

卷一至卷十

六書畧 凡三卷

卷十一至卷十三

七音畧 凡四卷

卷十四至卷十七

天文畧

凡六卷

卷十八至卷二十三

地理畧

凡八卷

卷二十四至卷三十一

都邑畧

凡四卷

卷三十二至卷三十五

禮畧

凡十二卷

卷三十六至卷四十七

謚法畧 凡八卷

卷四十八 至卷五十五

器服畧 凡六卷

卷五十六 至卷六十一

樂畧 凡二卷

卷六十二 至卷六十三

職官畧 凡八卷

卷六十四 至卷七十一

選舉畧

凡三卷

卷七十二至卷七十四

刑法畧

凡六卷

卷七十五至卷八十

食貨畧

凡十六卷

卷八十一至卷九十六

藝文畧

凡八卷

卷九十七至卷一百四

校讎畧 凡八卷

卷一百五 至卷一百十二

圖譜畧 凡二卷

卷一百十三 至卷一百十四

金石畧 凡七卷

卷一百十五 至卷一百二十一

災祥畧 凡三卷

卷一百二十二 至卷一百二十四

昆蟲草木畧

凡二卷

卷一百二十五至卷一百二十六

臣等謹按

皇朝通志一百二十六卷乾隆三十二年奉

勅撰二十畧之目亦與鄭樵原本同而紀傳年譜

則從省益

實錄

國史尊藏金匱與考求前代刪述舊文義例固



不侔也至二十畧中有原本繁而今汰者三  
都邑畧中樵兼載四裔所居非但約畧傳聞  
地多無據且外邦與帝京並列義亦未安今  
惟恭錄

興京

盛京

京師城闕之制以統於尊謚畧中樵分三等二  
百十品多所臆定今惟恭錄

尊諡賜諡以昭其慎金石畧中樵所採頗雜今惟恭

錄

列聖寶墨

皇上奎章兼及

御定三希堂帖淳化軒帖蘭亭八柱帖並諸臣奉  
勅上石諸墨刻有原本疎而今補者二天文畧中

樵惟載步天歌今則敬遵

聖祖仁皇帝御製儀象考成靈臺儀象志

皇上御製儀象考成後編會通中西之法以究象  
緯之運行地理畧中樞以四瀆統諸水而州  
縣郡道以水為別今則於其不入四瀆者大  
河以北如

盛京

京畿諸水大江以南如浙閩甌粵諸水以及滇  
南漠北諸水自入南北海者並一一補載而  
河有重源今經

聖製考訂恭錄以示來茲有原本冗瑣而今刪併者三藝文畧中樵所列既多舛訛校讐畧中樵所舉亦未精確圖譜畧中樵分記有記無二類而記無多至二十門如繫桐試馬鬪羊對雉諸圖尤猥雜無取今並以

欽定四庫全書總目為斷以折其衷有原本之所未聞者三六書畧中以

國書十二字頭清篆三十二體括形聲之變化

究波磔之源流併以

欽定西域同文志臚列蒙古西番托忒回部諸字  
絲牽珠貫音義畢該非樵之穿鑿偏旁所知  
也七音畧中以

國書合聲之法為翻切之總鑰而兩合三合之  
中有上下連書有左右並書有重聲大書有  
輕聲細書以

欽定同文韻統為華梵之通津以天竺五十字母

配合成一千二百十二音又以西番三十字  
母別配合成四百三十四音而各釋以漢音  
漢音不具則取以合聲非樵株守等韻所知  
也昆蟲草木畧中樵分八類五朝續通志已  
為補漏訂訛至于中國所無而產于遐方前  
代所無而出於今日如金蓮花夜亮木之類  
見于

欽定廣羣芳譜普盤櫻額堪達罕秦達罕之類見于

聖祖仁皇帝幾暇格物編北天竺烏沙爾齊火鷄若  
漢鮮知時草之類見于

御製詩集如竒石蜜食鷺鷥爾之類見于

欽定西域圖志尤非樵之抱殘守匱所知矣蓋創  
始之作考校易疎論定之餘體裁益密皆緣  
遭遇

昌期仰承

聖訓得以蒐羅宏富辨證精詳以成一代巨觀則

樵之瞳乎莫逮亦良有由也

皇朝通志總目



欽定四庫全書

皇朝通志凡例

一鄭樵通志倣歷代史例有本紀有列傳又有年譜其自序以唐書五代史皆本朝大臣所修微臣所不敢議故紀傳與年譜並訖隋而止續通志於唐五代及宋遼金元各增輯紀傳至明代事蹟具見明史即從鄭氏不載唐五代紀傳之例不加添纂若我

國家

列聖相承文德武功臚具

實錄者藏諸金匱石室至於臣工事實自有

國史列傳及宗室王公功績表傳諸書為之敘述茲  
編亦仍鄭氏之例不復載入

一通志二十畧其氏族六書七音謚法校讐圖譜  
金石昆蟲草木諸畧皆鄭氏自出新意非前史所  
有不專繫於一時一代其餘各門與杜氏馬氏二

書互有詳畧如通志禮樂職官選舉刑法之目通  
典通考皆有之通志之食貨則通典有之而通考  
析為田賦錢幣戶口征權市糴國用諸門者也通  
志之都邑地理即通典之州郡邊防通考之輿地  
四裔也通志之天文即通考之象緯藝文即通考  
之經籍災祥即通考之物異也通志之器服則又  
與通典之嘉禮通考之王禮互見者也大抵通典  
主乎簡要通考主於周詳通志則取材舊史自加

斷制故其自序謂雖本前人之典亦非諸史之文  
今倣鄭氏之體行文叙事與通典通考兩書實互  
相發明

一通志氏族畧分三十二類頗稱賅洽其遼金元  
氏族之見於前史者已纂入續通志若

本朝八旗氏族通譜於各族得姓所始表之以地系  
之以名釐然具備今並依類臚次

一通志六書畧於源流正變臚列綦詳遼金元各

有國書已畧述於續通志我

朝國書十二字頭整齊該括變化不窮若夫

大文彌耀清篆三十二體尤足握形聲之總究文字之  
源至於

聖化遠布重譯來同凡諸部諸國之各有文字者靡不  
達自象胥藏於秘閣

皇上御定西域同文志於蒙古西番托忒回部之字悉  
皆以次綴書音義畢貫實為前史所未有謹詳載

以表

大同之化

一通志七音畧以三十六字母為主備列內轉外轉諸圖我

朝國書合聲切音之法有三合四合之妙皆出於人聲之自然而無所勉強

聖祖仁皇帝欽定音韻闡微一書實抉翻切之秘奧

皇上御定同文韻統以梵音合

國書切韻復以

國書切韻叶華音字母於是字無遁音書皆備韻近  
復將遼金元明諸史之傳訛者改正改譯

親加詳定至於蕃部輿圖釋家梵典一經繙譯並得準  
聲洵足正千秋之謬誤而表天地之元音今並詳  
列於篇

一通志天文畧祇載隋丹元子步天歌而未及推  
算之法我

聖祖仁皇帝奉若天道洞悉精微改造六儀輯靈臺儀象志用法簡當所司奉以測驗

御製儀象考成其理則揆天察紀其法則明時正度即數可以窮理即理可以定法合中西為一揆

皇上復加增輯

御製儀象考成後編並按六儀新法參渾儀舊式製為璣衡撫辰儀兼考天官家諸星紀之缺者補之奈者正之勒為儀象考成於是步天定時之道益為



精密敬謹登載以補前書之漏畧

一通志地理畧先載四瀆而以諸水入於江河淮  
濟者分條具列自序謂地理以水為主郡縣州道  
皆由水以別惟是宇內之水不入四瀆者尚多如  
大河以北則有

盛京

京畿諸水大江以南則有浙江閩江粵江皆自入於  
海他若雲南西藏諸水多入于南海

如雲南之瀾  
滄江路江西

藏之雅魯藏  
布江岡噶江

漠北諸水多入于北海如額爾齊斯  
河色楞格河

至於河有重源所謂合流入蒲昌海潛行出於積石者今並列在輿圖紀以

宸翰鉅製鴻篇親為考定徵信萬古皆前志所未經收載今悉依鄭氏之例臚列於前其細流支派之不關於地理者無庸濫入

一通志都邑畧凡帝王侯國之都分代具列我朝肇基東土自

肇祖原皇帝及

興祖直皇帝

景祖翼皇帝

顯祖宣皇帝皆都

興京

太祖高皇帝

太宗文皇帝都於

盛京

世祖章皇帝定鼎

京師今宜將城郭之制敬謹臚載而宮室苑囿即附見焉至鄭氏附紀四夷之都自以為能遠探遐搜然考其所載如琉球居海島之中大秦居大海之西亦祇約畧言之未能確指其建國之地且以外國所都與京邑並列未免部分失當今擬從刪一通志謚畧凡二百有十品分為三等此乃鄭氏意為增損非時王現行之制若

本朝錫謚之典志出

上裁自諸王以及內外大臣之例得請謚者高下予奪

各如其分飾終之禮至為隆重此外有以文臣品

學而追謚者

如湯斌陸隴其  
韓荻王士正

以監司殉難而得謚

者

如葉暎榴陳  
啟泰陳丹赤

皆非常典我

世祖章皇帝定鼎之初即下所司定勝國甲申諸臣之謚

皇上表彰忠烈復

特頒諭旨凡明季死事諸臣各加褒獎

賜以令謚尤為從古未有之曠典今並據實叙載

一通志校讐圖譜二畧與藝文畧相為表裏以編書必先明類例故有校讐畧以圖為經而書為緯有書不可無圖故有圖譜畧我

朝文治光昭圖書明備

皇上右文典學

特詔哀輯永樂大典所載並蒐訪天下遺籍勒成四庫全書每書各繫以提要編以目錄於是譌者以正

闕者以全校讐之法至為精審而圖譜之流傳者  
益復粲然大備敬謹詳列以彰觀文化成之盛  
一通志金石畧分載泉幣鼎彝之款識而於諸家  
碑刻復按時代列之亦云博矣哉

列聖天縱多能

寶墨流傳照耀海內

皇上幾餘游藝

奎翰日新故

御帖刊於內府

宮碑勒在遐陬煌乎莫與並矣至古來金石之留遺者  
若三希堂淳化軒諸石刻哀集最為美富敬謹彙  
列用示來茲

一通志昆蟲草木畧分為八類已稱該備顧品彙  
之繁搜羅難盡有內地所無而產於外域者有前  
代未顯而稱於後世者我

聖祖仁皇帝御製幾暇格物編所載

如普盤櫻額堪達  
罕秦達罕之類殊



名別種攷證精詳

皇上順時亭育具有化工凡塞外之產為邊內所罕見

者

如北天竺烏沙爾齊  
火雞箬漢解之類

睿題留詠共識嘉名至于新疆式廓以來異果珍禽列

於圖志

如奇石蜜食  
驚鷲爾之類

皆爾雅埤雅諸書所未及登

載謹廣為蒐輯非惟供多識之資實以徵茂育之

化

皇朝通志凡例

欽定四庫全書

皇朝通志卷一

氏族畧一

臣等謹按鄭志氏族畧以三十二類敘得姓受氏之原附以四聲綴以總論旁羅古今綦辨且博雖炫多聞而廣附會在所不免然伊古姓氏已備見於此矣恭惟我

國家肇興東土受姓自

天

帝統既尊

皇支益衍謹誌

國姓於卷首以昭億萬年之鴻業至

國初時攀龍附鳳之衆奔走後先或舊屬編氓或舉  
族內附首編滿洲八旗次列蒙古八旗建師設長  
制度釐然有條不紊迨

皇上御極之初軫念族姓日繁不有成書將無以知世

德所自爰

命廷臣編輯八旗氏族通譜表以地系以名官階勲績  
與八旗列傳相為表裏於是名位世系昭然可考  
今以通譜所載考諸往史滿洲氏族見於金史者  
什之三蒙古氏族見於元史者什之一蓋閱世既  
遠以姓為氏者或數典未忘而以地為氏者往往  
混淆莫辨故通譜於瓜爾佳氏載某與某同族凡  
二十餘條於納喇氏著別族之有三於佟佳氏聯

漢軍而為一謹嚴詳晰茲皆甄載篇中若夫記載之體前纂五朝續志於遼金元分部姓二條今通譜中之以地以姓著者多寡懸殊難以分載爰仍通譜次序編分卷帙約存其畧其部姓之見於金元者加案聲明繼以滿洲旗分內高麗尼堪臺尼堪撫順尼堪等姓其漢人希姓依五朝氏族例續補

昭代人名而以總論綴於其末凡

賜氏改氏等分為八類以仍前志之例

臣伏讀

聖製八旗氏族通譜序諄諄訓迪有云前之人既以忠實勤勞覆幬其後嗣凡茲食舊德而服先疇者其何以無隳厥緒大哉

王言益曉然於氏族之書關係世德淳風者非淺鮮也  
謹臚載大畧以彰我

朝之族望以備一代之典章為書凡十卷云

國姓

愛新覺羅氏

我

朝先世發祥於長白山山之東有布庫哩山下有池  
曰布勒瑚里相傳有天女三浴於池浴畢有神鵲  
銜朱果置季女衣季女取而吞之遂有身尋產一  
男生而能言體貌奇異及長母告之故命曰汝以  
愛新覺羅為姓天生汝以定亂國其往治之汝順  
流往即其地也與小舫乘之母凌空去子乘舫順



流至河步登岍端坐其上時有三姓爭雄長日構  
兵讐殺有取水河步者見而異之歸語衆衆走視  
問所自語姓名如母命且曰我天女所生定汝等  
之亂者衆驚曰此天生聖人也乃交手舁之歸三  
姓遂以女妻之奉為國主其亂遂定於是居長白  
山東鄂多理城國號滿洲傳至

肇祖原皇帝居呼蘭哈達山下赫圖阿拉地二傳至  
興祖直皇帝子六傳位四子

景祖翼皇帝居赫圖阿拉地稱寧古塔貝勒子五傳位  
顯祖宣皇帝為第四子初

景祖才智過人兼長子禮敦英勇盡收五嶺東蘇克蘇瑚  
河西二百里內諸部由此遂盛再傳至

太祖高皇帝

太宗文皇帝

聖聖相承創建帝業垂億萬年無疆之統云

臣等謹按愛新覺羅氏

國語以金為愛新覺羅乃姓也滿洲係滿珠之轉音  
亦稱曼珠我

朝龍興東土每歲西藏獻丹書稱

曼珠師利大皇帝曼珠華言妙吉祥也當時滿珠之

鴻號萬里同符矣至朱果發祥早膺

天眷而

肇祖光復以後寢熾寢昌歷

興祖

景祖

顯祖以及

太祖高皇帝瓜綿椒衍本支實蕃逮

太宗文皇帝天聰八年

詔宗人自

興祖直皇帝出者為

六祖後免其徭役九年

詔

太祖庶子稱阿哥

天潢宗派以

顯祖宣皇帝本支為宗室繫黃帶

六祖子孫俱稱覺羅繫紅帶以別之乾隆四十七年九月

奉

諭宗室王公之子孫均照例恩給官爵其餘閒散一概

給與四品頂帶四十八年正月

賜宴乾清宮宗室與宴者共二千人

御製乾清宮大宴宗室聯句詩紀其盛焉敬惟

太祖子孫至現在褚英支下之

賜名奉福奉壽凡十一世

興祖而下至現在覺羅卑幼凡十四世

天潢蕃衍無疆惟庶凡

皇上古稀平格五代一堂洵亘古莫與比隆矣宗室覺

羅之外有民覺羅氏其族屬之衆者冠以地名如

伊爾根舒舒西林通顏之類散處者上加民字以

不同於

國姓也

民覺羅各氏  
並見後卷

若夫

聖祖

神宗

鴻謨大烈舉世共仰

日月之光華而宗室王公之賢者勲緒自具

國史宗支別見

帝系茲不備載云

皇朝通志卷一